

洋務新論

一
函
十
冊

孫卿子曰有治人無治法旨哉形言通商以來世
事變更靡有恒電線也鐵路也仿倭也鑛務也炮
火也新而又新乃而又乃伊古無此時局之伊古無此
治法顧守法也變法何常非法乎是生人所為而已
矣長白仲部郎英博物多才關心世故歷遊歐美
諸邦凡鐵路製造炮火析軍之得失化學板紋機墨
仿倭之源流莫不廣搜激入井井有條其間又從羅
西國名士所著論說百餘篇以相考證後附中西

國係輯要并泰西新法製造無烟火藥秘法營萃羣
言不加臆對類曰分類洋務經濟時事新論非舊世
之寶筏乎為豪傑之士讀是書而猛發深省彼丈
夫也我丈夫也彼為法于天下又傳于後世我何為不
可駕而上之哉是書也當不僅貴函紙而後鑒衣也
夫

光緒歲在己未仲秋欽加三品銜賞戴花翎江蘇候
補道皖北李長福敬撰并書



洋務新論總目

卷一○國政

上諭各國使臣定期朝見謹書於後

兩君相見論

親王宜游歷各國說

書鄂督開闢全楚利源示後

推廣滿洲興旺之由

朝鮮宜求中國保護再論

論今日誰能助我

論中國易於富強

論中國興電報之益

論報館

○外國

毛奇將軍軍事略

紀俄羅斯近事

俄朝述略下

德國雜事紀略一千八百九十年

長白 仲英採輯

觀見使臣關子振興說

醇賢親王功德恭紀

曾忠襄公功績述略

書重慶通商停止輪船上駛疏後

論朝鮮宜求中國保護

補授要缺貴得其人說

論今日勿憂無財

論中國新興三大事

中國各報館始末

論亞細亞人不服俄羅斯

俄朝述略上

俄事轉禍為福論

法國瑣紀一千八百九十年

銀國借款紀

卷二

論安南

天下四大宗論

非洲不能養民致失廣地說

○格學

論中國宜求格致之學

論格致學緣起

格致數目說略

論學格致必先求富國

○礦務

山西開礦議

○通商

論中國宜特設商部以整頓商務

京津修路以便商民議

○築路

論街道

論緬甸

紀游歷西藏

歐洲各國開闢非洲攷

再論中國宜求格致之學

續論格學

格致宜創新機器說

論開煤礦之益

振興京津貿易說

鐵路新章省腳價法

論修河

修路乃能足食論

禦水振饑莫如推廣鐵路說

鐵路侵地說

論放賑不如防災

○養民

西國富戶利民說

轉移積患說

論民

卷三

論貧民有望

論工人宜漸富

○新學

論學人

新學說

論士宜兼習養民新學

論新學部亟宜設立

推廣聖賢博學說

建倉儲米不如推廣鐵路輪舟說

造鐵路即以救災說

創造鐵路宜先使民人咸知利益說

西法有益於民論

養民說略

答問養民事宜

游民有業論

五洲漁人生計說

論學校

求儒救民說

農人新法紀略

論不廣新學之害

論英國倫敦博物院書樓

宜習英文說

○利源

論產業宜與人數並增

中外金銀漲落說

論理財宜清釐款目

紀西國送信章程始末

○軍務

說兵

論水師二

論水師四

○教務

卷四

豫弭教禍說

教務本末上

教務本末下

○雜學

氣球攷

論西學宜設特科

論銀行

論金銀漲落極有關繫

論郵政

論水師一

論水師三

以教救世之法

保護無辜論

教務本末中

雷學攷

煤油述略

製造鋼鐵紀略

稅攷

紀燈浮之益

節錄南北洋通商大臣各省督撫總理衙門

奏稿

論各大臣奏稿節略

申說歐洲人分布天下

論歐洲人散布中原而英俄與中原為接壤之國

論中外交接宜如何聯絡如何維持

論中外交接其聯絡維持之法究竟如何辦理

卷五

論謀富之法

續論謀富之法

論回教本末

續論回教本末

論回教散開形勢

論回教來中國緣由

論西域輿圖與喀什噶爾叛逆情形

總論西域關係情形

總結前論

補中國宜招撫喀什噶爾之阿古柏論略

錄總稅務司

赫公德局外旁觀論

錄英欽差

威公妥瑪新議論略照會

新議論略

錄

曾文正公奏稿

塞門德土記

說醫

加稅聞地議

報中雜論跋

卷六

譯錄總理衙門致各國駐京大臣信稿 並章程八條
譯錄美國欽差錢公斐迪覆總理衙門信稿

續編

中西關係略論續編序

上諭恭錄

各大臣奏稿

洋務新論卷一

國政

英國李提摩太著
長白仲英採輯

上諭各國使臣定期朝見謹書於後

今天道十年一小變百年一大變惟能因變達權乃可獨操勝算中國自開海禁以來環地球九萬里合大小數十國無不通商立約書幣往來歲時不絕各國使臣冠蓋相屬楊柳雨雪之詩正可為今日詠矣然外洋各國凡有一介之使均承三接之榮修好鄰封藉此通情達意其關係良匪淺鮮顧駐華各國使臣自同治十二年觀見後至今此典缺如恭讀光緒十六年十一月初一日上諭各國在京使臣於明年正月由總理各國事務衙門奏請定期覲見嗣後每歲正月均照此舉行欽此仰見我皇上睿哲天生勵精圖治輯睦鄰封禮意優渥薄海中外臣工士庶莫不歡欣鼓舞慶抃同聲蓋天下事每患隔闕而不通則彼此之情不能相達自未免有壅蔽之虞中國自道咸以來所辦交涉各事往往不克平允無他皆由未能洞悉情形無從據理力爭耳試觀泰西各國君主或遠游他邦以資閱歷或時相盟會以重鄰交此外聘使遠來無不修覲面之儀承歡燕好故於各處之風土人情各國之政刑技藝皆能明如指掌推之格致歷算兵刑禮樂事無不知情無不燭原其富強職此之故今皇上召見各國使臣從此情誼親洽凡有利於軍務國政者無不周知而平日之外患內憂自可預為整頓而消弭於無形矣曷言乎外患也方今天下多故事變靡常南則逼於法西則迫於英北則侵削於俄說者謂歐洲各國恃其富強恣為兼并而抑知彼之設

法益民使民之心悅誠服有不期然而然者乎攷歐洲各國益民之事厥有三端一在通路蓋泰西各國水路則有輪船陸路則有大車即大車不到之處亦必有平坦石路務使商賈貨物及糧米各項易於轉運雖遇歉歲亦無飢饉之憂一在養民民以食為天必須代謀生業庶幾溫飽有資西國於開墾開礦通商耕織製造修路等事特為廣其生計俾小民各有專營雖生齒日眾亦可免游惰之風一在教民西國學問皆求實濟國中男女無論貴賤成童皆須入學凡天球地輿格致測算農政船政化學理學醫學及各國語言文字律例無不循序漸進即醫藥殘疾之人亦有學院分別教訓故國中人民無一棄材各有裨於公私以廣其用蓋西國益民之大略如此強隣日逼外患方深而顧可漠焉置之乎曷言乎內憂也中國經費有常生民日感人材未廣斯三者誠為當務之急查中國各處海關歲收稅項不下二千萬兩在承平無事之時尚可不要匱乏然以今日添設海軍及各處防營之用所入實不敷所出若能仿照西法早為通路使南北行省除輪船而外又有火車通行將見商賈輻輳不加稅而稅源自可加倍則經費何憂支絀耶至中國每年新添人民不下四百萬以十年計之即有四千萬各省產業如常生之者寡食之者眾中國衮衮諸公但知物力維艱而不設法變通以求阜財之道雖欲民生不困勢必不能若能仿西國養民諸法次第施行則民業日增民生自厚矣此外欲求人財須宏教育近來中國老成宿將日漸凋零倘猶拘守成規其何以拔真才而資實用惟有推廣中西之學宏開登進之途庶幾傑士挺生朝無倖進野少遺賢矣總之中國外患內憂皆由從前聞見未廣不知西法之善故未能幡然變

計耳今 皇上聖明天縱洞燭事機一旦 親裁大政即舉行各國使臣覲見之典其識見之高足令四方傾服從此推廣所及必更熟悉各國情形倘能擇善而從自可收其功效噫江海不以大受而拒細流泰華不以窮高而辭塊壤由是前席諮詢虛衷採納熙熙然喁喁然中外禔福海內乂安我將拭目而觀其後也

覲見使臣關乎振興說

王者以權力制天下權力所不及民斯去之矣以恩澤結天下恩澤所未徧民斯怨之矣獨有不倚權力不藉恩澤而有以控制固結乎四海兆姓之心使之淪肌浹髓歡欣鼓舞而不自已雖百世後猶為之觀感頌述者何也曰德也曠觀前代開創中興之主未有不由積德而立卜年卜世之基繼體守成之主未有不由敷德而啟亡國喪身之禍問有其仁如天其智如神武定禍亂文致太平 列聖相承堯兢舜業先後同軌媲美唐虞如我 大清者乎夫 本朝發祥遼瀋定鼎中原厚澤深仁徧於寰宇惟當年海禁未開五洲情形未能熟悉故道咸之間與泰西各國小有齟齬交涉事件動輒召釁推厥原委皆彼此交誼未孚誤之也迨至立約通商言歸於好化干戈為玉帛同治紀元我 皇太后垂簾聽政斯時也海上各國互市之議甫定而內地竊寇竊踞金陵大江南北已無完土蹂躪十餘省擾亂十數年中國大局幾有不可收拾之勢惟我 皇太后睿哲天生任賢勿貳外與各國講信修睦既慎簡大臣分別出使俾得互通情款復選聰穎子弟出洋肄習西學預備異日人材內則賞罰分明簡任將帥卒使積年巨寇次第蕩平且西靖回疆東安藩屬三邊柳色永戢烽煙七

萃蟲沙都消日月數年來天下有磐石之安海內無金甌之缺乃從容退政頤養深宮懿鑠
哉我 皇太后之聖德神功凡屬中外臣民罔莫不欽仰無既者矣今 皇上聖明天縱
親裁大政之初即以輯和鄰邦為本於本年正月二十五日 特旨令各國駐京大臣覲見
各國使臣恭獻頌詞伏讀 皇上答詞中外邦交從此永固等因大哉 王言誠四海民人
之福也獨是外洋各國今既日益親洽中國正可際此承平無事之時亟籌養民之術以中
國每十年中生元之數相較當添生者四千萬人而地土如故財產如故雖欲民生不困戶
口不貧焉可得乎試觀外洋各國講求格致之學以及開礦鐵道信局商務農政莫不極力
整頓故近數十年來較前皆加富幾倍中國地大物博俗美風醕向為最古之邦詎可獨居
人下耶然運會積久而必返風氣由漸而自開何幸我 皇上明燭幾先毅然振作自強不
息擇善而從由此逐漸推廣次第舉行將見中外無扞格之虞億兆免流離之患則長治久
安之道有可預期者矣謂之關係振興誰曰不宜

兩君相見論

與國往來主賓酬酢無非交以道接以禮一誠之周浹而已誠則珠槃玉敦壇坫聯歡不誠
則敵愾同仇干戈作氣溯自春秋以來各國互相雄長專主雄霸仁義之道早已不歸
然觀其內尊外攘事大字小者莫非開誠布公信以待人方能狎主齊盟以為諸侯長故魯
史一書大抵皆紀兩君相見會盟之事其所以維繫人心者固班班可考也雖然春秋之初
去古未遠人鮮詐虞所以桓公用管仲之言招攜以禮懷遠以德凡屬列辟罔不率從遂為

衣裳之會者九天下同風孔子稱管仲曰如其仁如其仁誠足尚已迨其後各國之君以智勇相傾以爭奪為事同舟皆為敵國婚姻漸作寇讎所有覲面之儀懽好之會莫不暗懷機詐為挾制要求之舉如孟之盟宋公為楚所執而霸業因之不終夾谷之會齊令萊人為樂欲執魯君幸孔子輔以君子之道隱消禍患於將萌遞至戰國七雄並峙於敦禮讓修盟好之事更置不講其有相約會晤能徵倖於一時不致喪身辱國者非有文武兼資之臣臨機應變制勝於倉卒間不可如秦趙會於渑池酒酣秦王請趙王鼓瑟趙王鼓之藺相如請秦王擊缶秦王不允相如曰五步之內臣請得以頸血濺大王矣左右欲办之相如張目而叱莫不披靡秦王卒為一擊缶趙王歸以相如為上卿至秦昭王遺書誘楚懷王會武關面結盟昭王屈平曰秦虎狼之國不可信子蘭勸之行王入武關秦伏兵絕其後遂留懷王嗚呼趙有藺相如前既能完璧而歸後復能折衝樽俎奉君還國且令強秦降心相從不敢加兵於趙楚有昭王屈平而君為人虜豈非用賢不用賢之明證歟諺云筵無好筵會無好會是以中國列代以來兩國之君或相見於疆場之上或論文於微賤之時若已踐履大位雖使命迭至玉帛頻通苟欲輕身入境握手言歡則從未之前聞乃近來五洲相連環地球九萬里各國無不互市相交開數千年未有之變局而外洋新聞載屢載德俄英各國君主時相往還輕車簡從盡泯嫌猜相親如一家相敬如一人倘有歐洲全局關係要事不難當面商斷論者謂今日歐洲之局不啻一太戰國及觀其推誠相與真意相孚非戰國諸君所能及其萬一矣噫物極則變變久則通實天道世運人事有以限之也在中國正統相承定於一

尊向來劃疆自守不事遠圖但今既海禁大開外洋各國聲勢相聯情誼日密而我獨示人以外落落自處將來孤立無援獨受其害是誠不可不及早圖維幡然變計者也

醇賢親王功德恭紀

皇帝本生考 醇賢親王於光緒十六年十一月二十一日薨於位王為宣宗成皇帝之子 文宗顯皇帝之弟初封郡王嗣封親王充御前大臣恪恭盡職迨 皇帝入承大統欽奉 慈禧端佑康頤昭豫莊誠壽恭欽獻皇太后詔以親王世襲罔替當 皇帝之踐阼也時甫沖齡又在日本犯我臺灣之後軍務粗定地方甫平 王受 懿旨平章國事整軍經武親仁善隣奏派秦西公使每慶得人綜理神機營務修軍政乃天步艱難國家多故曾未數載開辦海防兵力既患不支庫帑復虞告匱 王上承 懿訓下督臣工竭力經營悉心擘畫卒使強隣拱服疆宇乂安 王之功績高而 王之心力瘁矣揆時度勢海禁已開琛航畢集知成法之不足循舊章之毋庸泥也奮發有為於丙戌之夏祚席風濤驅馳車馬親閱天津旅順水陸各營創立北洋海軍並置鐵路安內攘外碩畫宏謨超越一時獨絕千古然此猶係 王之立功而非 王之立德也 王既勞苦功高 皇太后時庸異數 賞坐杏黃轎以示優眷 王即毅然乘坐懋功懋賞何嫌何疑乃 王遠承 祖訓上畏 天威奏辭不獲迄不敢乘歷數年來儼如一日 王之敬恭也如此又於 皇帝踐位之後豫恐朝臣有上嘉靖治平之說以邀恩寵者歷叙繼統之君以宋孝宗不改生父秀王之封為至當準今酌古持論精嚴援獻徵文權衡不易 王之宅心篤集處事周詳又如此至恭繼

皇上發祥之邸第恪遵 成憲尤為 王之小心翼翼也 王事無大小悉候 懿旨而後
行人無智愚均付眾裁而始定尊 君親 上集思廣益所以朝無廢事也不幸年甫五旬
溘然薨逝壞我長城何怪乎 九重震悼四海涕零哉按秀王子傅為宋孝宗本生父孝宗
入繼高宗正位青宮高宗詔百官追議子傅封爵戶部汪應宸定其稱曰太子本生之親議
入內降曰皇太子所生父可封秀王謚安僖嗣孝宗登極高宗升遐祔於太廟而不改秀王
封號 王之援引蓋即諸侯不敢祖天子之義歟稱之 皇帝本生者蓋有所本而亦 王
之素志也 王在九天之靈可以慰藉矣

親王宜游歷各國說

古昔聖王十有二年一巡狩巡狩者巡察諸侯之所守也諸侯五年一朝曰述職述職者述
其所守之職也由是觀之古之天子諸侯皆非終其身深居簡出也殷商之制儲君皆時處
田間與民為伍欲以知稼穡之艱難故周書無逸之篇曰其在高宗時舊勞於外爰暨小人
作其即位其在祖甲舊為小人作其即位乃知小民之依商書說命之篇曰予小子舊學于
甘盤既乃遜于荒野入宅于河自河祖亳是知古昔天子皆躬歷於外以豫知民之艱難情
偽而後繼大統乃洞然于閭閻稼穡之依官吏良莠之故所以國無弊政民無弊俗朝野上
下熙熙皞皞裕如也三代而後惟漢宣帝幼遭戾太子之難育於民間年十九始入宮承大
統故民間之情偽胥吏之良莠無不盡知勵精圖治號為中興外此則開創之主事事皆洞
照無遺而承平之世青宮鮮出宮闈惟恃擇傳讀書以明古今治理而民間之稼穡艱難靈

吏之貪污狼藉少所聞知惟天生睿知之聖乃不出戶庭而明燭萬里人不敢欺史鑑所載漢唐宋明之世主非不明徒以蔽於耳目之近而皇恩不能下逮者昭昭可攷豈若我國家列聖相承闡澤仁恩覃敷廣被今皇太后皇上又深仁厚澤浹淪肌腠踐土食毛誰不感戴數十年來華洋交涉開前代未有之局亦既洞悉其治國養民之法故專設總署設海軍設機器局以及各學堂又命星使游歷外洋兼理交涉事務無不事事仿行新中華之耳目開小民之衣食雖前代雄才大畧之主亦未能如我朝之盛也顧事須比較而後勝負分勢必互觀而後強弱見以我中華之地大物博山嶽蓄其菁華川陸萃夫寶貨自然之利甲於五洲倘能盡法以致之又何假於外洋之物哉且外洋人又往往惜之謂不能盡其物利者以不能盡仿其法也然其法自在朝廷力求何如耳歐西諸國之君皆常躬歷各國不慮風濤險惡而藉以聯與國之歡各國又皆盛飾禮儀郊勞燕享不啻春秋會盟珠槃玉敦之盛而即藉以考其製造軍伍之法以取則焉如英德美奧諸國之皇時常來往見於日報者不一而足而俄羅斯之興更專藉其先君得彼之游歷無法不仿無善不備日本亦然故其國勢蒸蒸日上也日本自同治十二年始信其法今纔二十餘年早已儼與西方大國比隆溯其所以致此則嘗遣其宗室大臣躬歷其境考其致治之法而又遣英俊子弟詣彼國讀書不數年盡得其奧國中一切製造皆以仿西式為本非甘舍數千年祖宗之舊而為此補苴以棄故喜新也特以既與交涉不如是不能與之並駕耳我朝苟不開海禁雖至今不用其法可也既與交涉而獨鄙其事而不為不幾自蔽乎草野無知竊願